

ԳՆԱՀԱՏՄԱՆ ԵՎ ԹԵՍԱՎՈՐՄԱՆ ԿԵՆՏՐՈՆ

ԱՇԽԱՐՀԱԳՐՈՒԹՅՈՒՆ

2024 Թ. ՄԻԱՄՆԱԿԱՆ ՔՆՆՈՒԹՅՈՒՆՆԵՐԻ

ՈՒՂԵՑՈՒՅՑ

(Հանրակրթության նոր չափորոշիչներին և ծրագրերին
համապատասխան)

Երևան-2024

Պատասխանատու՝ Մերի Սարգսյան

ԲՈՎԱՆԴԱԿՈՒԹՅՈՒՆ

ՆԱԽԱԲԱՆ.....	3
ԹԵՍՏԻ ԿԱՌՈՒՑՎԱԾՔԸ	4
ԱՌԱՋԱԴՐԱՆՔՆԵՐՈՒՄ ԸՆԴԳՐԿՎԱԾ ՆՅՈՒԹԸ.....	4
ՑՈՒՑՈՒՄՆԵՐ	5

ՆԱԽԱԲԱՆ

Ուղեցույցում ներկայացված են 2024 թ. Տավուշի մարզում ըստ փորձարկվող նոր ծրագրի կազմված «Աշխարհագրություն» առարկայի միասնական քննության թեստերի առաջադրանքներում ընդգրկվելիք ծրագրային նյութի շրջանակները, կառուցվածքը:

2024 թ. միասնական քննության համար որպես հիմք են ընդունվել` ՀՀ կրթության, գիտության, մշակույթի և սպորտի նախարարի 2023թ մարտի 30-ի N24- Ն հրաման, «Հանրակրթական ուսումնական հաստատություններում «Աշխարհագրություն» առարկայի 7-8-րդ, 10-12-րդ և «Հայաստանի աշխարհագրություն» առարկայի 9-րդ դասարանների առարկայական չափորոշիչ»-ը, Տավուշի մարզում փորձարկվող հիմնական և ավագ դպրոցների համար երաշխավորված Աշխարհագրության նոր դասագրքերը, ուսուցողական նյութերը, գործնական աշխատանքների ձեռնարկները, ինչպես նաև «Աշխարհագրություն» առարկայի պետական ավարտական և միասնական քննությունների շտեմարանները` համապատասխան փոփոխություններով:

Քննական թեստերը կազմվում են «Շտեմարաններում» առկա առաջադրանքներից և «Շտեմարանների» առաջադրանքների հիմքի վրա կազմված նոր առաջադրանքներից, ինչպես նաև գործնական աշխատանքների հիման վրա կազմված առաջադրանքներից:

ԹԵՍՏԻ ԿԱՌՈՒՑՎԱԾՔԸ

«Աշխարհագրություն» առարկայի միասնական քննական թեստը գնահատվում է 80 միավոր: Թեստում առաջադրանքները երեք կառուցվածքային տիպի են՝ ընտրովի պատասխանով, կարճ պատասխանով և «Պնդումների փունջ»:

Թեստում 55 միավոր են գնահատվում ընտրովի պատասխանով առաջադրանքները, որոնք ընդգրկում են Աշխարհագրության նոր առարկայական ծրագրի գրեթե բոլոր թեմաները և գործնական աշխատանքները, 25 միավորը՝ կարճ պատասխանով առաջադրանքները և ենթաառաջադրանքները, որոնցից **8-ը կարճ պատասխանով առաջադրանք են, իսկ 2-ը՝ «Պնդումների փունջ» են, որոնք ընդգրկում են Աշխարհագրության առարկայական ծրագրի գրեթե բոլոր թեմաները և գործնական աշխատանքները, ըստ նոր ծրագրերի և չափորոշիչների:**

Միասնական քննական թեստի առաջադրանքների կատարման համար տրամադրվում է 180 րոպե:

Բուհ ընդունվելու համար միասնական քննության միավորը հաշվարկվում է 20 միավորանոց սանդղակով՝ հիմնվելով ամբողջ աշխատանքի կատարման արդյունքում դիմորդի հավաքած միավորների վրա:

ԱՌԱՋԱԴՐԱՆՔՆԵՐՈՒՄ ԸՆԴԳՐՎԱԾ ՆՅՈՒԹԸ

«Աշխարհագրություն» առարկայի միասնական քննական թեստում առաջադրանքներն ընտրվում են համաձայն հանրակրթական դպրոցի «Աշխարհագրություն» առարկայի ուսումնական նոր չափորոշիչի և ծրագրերի, որը կազմվել է ըստ հետևյալ հիմնական գաղափարների՝

- 1) Երկրագունդ. պտույտներ, ոլորտներ.
 - ա) Երկրի պտույտներն ու դրանց աշխարհագրական հետևանքները,
 - բ) Քարոլորտ. կազմը, կառուցվածքը, դրանում ընթացող գործընթացները, և դրա պահպանությունը,
 - գ) Ջրոլորտ. կազմը, դրանում ընթացող գործընթացները և դրա պահպանությունը,
 - դ) Մթնոլորտ. կազմը, կառուցվածքը, դրանում ընթացող գործընթացները, և դրա պահպանությունը,
 - ե) Կենսոլորտ. էկոհամակարգեր, դրանց պահպանությունը:
- 2) Տարածական մոդելավորում և տվյալներ.
 - ա) Քարտեզ և հատակագիծ, աշխարհագրական դիրք,
 - բ) Աշխարհագրական տեղեկատվական համակարգ (ԱՏՀ): Տեղորոշում:

ՑՈՒՑՈՒՄՆԵՐ

Քննական սենյակում թույլատրվում է ունենալ հաշվիչ: